

國

朝

詞

綜

國朝詞綜卷十四

青浦王昶纂

沈岸登 二十四首

沈進 三首

沈季友 三首

沈雄 二首

郁植 一首

袁揆燮 一首

王紹雍 一首

王武功 一首

曹亮武 一首

徐允哲 三首

蔣景祁 一首

陳維岱 一首

陳維嶠 一首

陳維岳 一首

陳宗石 一首

錢爰 一首

楊通仝 一首

李珍 一首

盛楓 三首

盛禾 三首

盛本枏 二首

陳見龍 二首

張鑣 一首

沈岸登

字覃九一字南亭平湖人有黑蝶齋詞一卷

朱竹垞云詞莫善于姜夔梅溪玉田碧山諸家皆具蘊之一體自後得其門者寡矣吾友覃九詞可謂學姜氏而得其神明者

臨江仙 再過紅橋

記得停桡柳岸花樓斜罨魚簪玉纖無力倦還凭綠紗
窻護中有簾如冰 羅襪舩深不見明珠珮解何曾涼

波空自碧千層水
蒨花外斜照落疎藤

好事近

康山舊係康對山別業

花徑石闌斜落日
千家城闕寒
恩春蕪一片露
蒜山晴雪
武功去後有高臺
容我醉明月
已是鄉心無那更
管絃悽切

采桑子

桃花馬首桃花放
小雨初收草綠山
郵春色年年獨自
愁
東風一帶河橋柳
柳外朱樓不上簾
鉤定有愁人
樓上頭

浣溪沙

自任珠簾不上鉤
篆烟微潤逼香篝
薄羅衫子疊春愁
乳燕寒深渾不語
落花風定也難收
謝娘且莫倚西樓

江城子

送顧左公之白門

隋隄繫纜水平沙
板橋斜那人
家記得門前一樹有枇杷
喚起當鑪同對酒
紅燭護綠窗紗
津帆容易隔峰霞
秣陵花白門鴉
錦瑟淒涼一度感年華
三十六鱗渾不見
惟有夢到天涯

真珠簾

簾

綠筠剪取烟江畔
依然是帝子啼痕紅染
細節理千絲

愛玉鈎長綰象蔑犀釘初上了勝一片湘雲纖軟深院
更白珠連綴翠羽橫卷 最怕陌上鈿車被春風搖曳
暗藏人面惆悵碧紋迴有冷波吹練鎮日珊瑚慵不起
便串斷蜻蜓誰管銀蒜休誤了歸來画梁雙燕

柳梢青

病起

簾鈎低揭凍禽窻外往來催雪藥裏看殘詩愁漸老這
番寒怯 驀然多少鄉心待說與何人聽說一點風燈
數聲蘆管滿庭霜葉

賣花聲

三畝舊柴扉一半疎籬春來長定雨霏微楊柳絲輕蘭

國朝詩集卷一
三
葉小鷓鴣雙飛 花徑未全非鄉夢依依天涯兄弟幾
時歸可惜年年芳草色綠遍漁磯

步蟾宮

席上和竹垞韻

雲花未淨侵階滑奈小小鴉頭羅襪惱人三五月朦朧
數不定風鬟十八 歌闌纔把觥籌撤聽去也一聲愁
殺尊前相對尙無言又那得相思書札

點絳脣

花下重門石闌題偏游人句暮雲春雨只少江南樹
小小紅樓舊是吹笙處愁凝竚杜鵑無語誰勸春歸去
鳳凰臺上憶吹簫

驪柳池塘嬌鶯簾幙晚來霽景收煙甚離顏花謝愁緒
絲纏檢點鴛鴦繡被香燼冷生怕孤眠憑闌見別來明
月頭上三圓 中天夜深飛去須直到天涯吹墮伊前
奈天涯消息依舊茫然打起沙頭宿雁分付與一寸紅
箋紅箋疊沈吟路遙雁也難傳

摸魚兒

雨

但庭前棟花風過疎疎零落堦砌朝雲未破重幃夢故
作廉纖天氣春去矣拚滿眼紅酣綠唾留無計踏青曾
幾自挑菜歸來前裙去後鎮日小門閉 更慵把鏡檻
簾鈎掛起離愁還亂人意無邊烟草天涯路留却狂夫

歸騎最怕辜負了雙鬟小鳳釵頭膩誰憐不寐任午
夢將愁夜篝做冷聽到打窗細

卜算子

長簾點疎螢冷砌銀蟾墮吹遍梧桐葉葉風定自挑燈
坐一片亂山秋不管離魂破望斷天邊少箇人雁字
空排過

風入松

村居

東湖東畔有鱸鄉綠遍舊垂楊故人問我移家處隔秋
雲一線溪長惱亂比隣鵝鴨傳呼日夕牛羊玉缸分
碧過苔牆薄醉引新涼茅堂不爲斜陽閉怕年時燕子

思量荷葉青裁衫袖竹根淡約釵梁

齊天樂

蟬

西窗已漸鳴風葉斜陽又橫高樹曲巷攢吟離亭孤引
慣趁涼颺飛去幽襟抱露笑終夜歌冠一身輕羽柳岸
閒尋綠陰遮到小門處哀音最憐馬首斷垣聽不見
鎮說行旅釣艇清江葛巾散髮別有溪槐如訴秋簷過
雨便送盡殘聲寂寥情緒鬢也蕭疎凭闌愁更語

尾犯

筍

朱櫻捎雨正短牆雲壓一雷輕度伴他點點莓苔靜迸
參差成伍抽梢台未倩誰把籬根護掩柴門斷却人行

小園早又無數 試問綠痕垂處南塘風折幾許記紫
蘆畦畔載取腰鎌山厨先煮薦八春蒲叢分野蕨年時
頻誤可曾礙門草歸來竹間綾襪微步

永遇樂

揚州除夕和竹垞韻

何事飄零天涯除夕幾度羈旅今夜邗江去年燕市客
淚雙垂縷銀燈初卸金盞頻咽不寐更籌閒數更誰聽
揚州歌吹撥火寒爐無語 淒涼東閣官梅初發對酒
看人兒女三十年來鏡中綠鬢都被儒冠誤清溪白屋
團圓兄弟夢裏分明曾去正相思關山南北夜闌疎雨

如夢令

纔見綠楊飄絮又見蘋桐垂乳三十六鴛鴦盡在藕花
深處飛去飛去生怕晚來烟雨

月華清

退谷

卧佛山幻退翁亭角春風已掃巖磴指點斜陽引我馬
蹄幽興見十里五里青松映將花未花紅杏人靜但炊
烟樹杪萬峰齊暝載酒閒房深處縱赤米黃蘗也須
醅酹記得題詩粉壁依然苔徑更坐起榻下沉沙共招
尋水邊鳴磬清鏡照皇州一氣冷波千頃

齊天樂

丙辰元夜再客長安

天涯怕見年華度團團又逢三五隘巷鉤車窺人羅帕

笑逐蛾兒爭舞暗塵散雲漸燈暈簷花歌殘戍鼓窮
重門玉驄嘶過舊游路故園尊酒今夜問誰能遣此
離懷辛苦小婦鳴機嬌兒裂被并起鄉心無數謝莊懶
賦任蟾影紛紛滿庭流注好夢除非枕函邊去訴

浣溪沙

艾帳蘭燈玉枕函被寒香細夜寒添年年春夢未曾酣
鏡裏舊情愁墮馬篋中新恨寄眠驚好辭先譜望江
南

惜秋華

牽牛花

翠影疎涼似深杯含露野塘低裊倦馬都嘶催人半程

風帽都愁好夢回來便盡向山籬開了秋曉趁蘿烟乍
收蟬啼未老 靈鵲小窗報覩柔絲不上却雙雙飛繞
淺白更青殘月恁時留照思他帳底冰綢問曲屏試花
還好誰拘負晨粧採芳入到

祝英臺近

寄蘅圃兼懷畊客

藕絲風吹漸老芸簌枕晴沼髣髴簾衣涼壓半蟾小添
他并石玲瓏紅泥亭外駛一鏡晚秋疎蓼 雨花掃夜
分吟榻移燈頻催未邊調不似天涯墨蝶賦情少待尋
桃葉春帆聽歌曲子對孫楚酒樓斜照

解連環

用李十九韻送孫愷似南還因話使高麗事

幾番窻雨甚篝燈乍剪賦情淒楚聽說道立黃城邊正
秋夜夢長候雞啼去果下前騶有鬢髻紅粧別部愛歸
吟硯紙小鬟爭唱倚銀箏處年時酒壚憶否笑長鯨
未似氣還吞虎記灞岸分手東西又蓆帽催涼葛衫更
暑纔得相尋便惹起客愁如絮剩離亭伴影無眠冷蟾
十五

沈

進

字山子嘉興人諸生
有藍邨詩餘一卷

柳梢青

十二重樓是誰珠箔雙掩銀鈎桃葉春潮楊花暮雨一
段閒愁飛來沙際輕鷗芳草外春風舊遊團扇歌殘

羅衣試罷人上蘭舟

東風第一枝

遊峽山用宋人韻

曲水移船官橋問柳禁烟已過初暖人家未放花深春
山尙看草淺平隄十里踏徧好青鞵沙軟悵去年巷陌
東風又是壘泥新燕 盼不到空回醉眼愁欲絕難忘
嬌面斷腸慣是濃春消魂更來故苑香聞何處悵萬縷
牕紗銀線待到家燼了孤燈夢去夜深重見

鎖牕寒

暗水疎籬深雲就閣月窺簾戶風生木葉颯颯似收殘
雨近黃昏隔溪那家鉏烟想有人歸語看夜闌燭翦輕

紅可愛共忘羈旅 日暮相逢處勸碧酒殷勤白頭三
五前遊多少消盡酒朋吟侶奈心情老去漸慵銀鈎小
字重念否等芳菲恰是明年掃石攜尊俎

沈季友

字客子平湖人貢
生有迴紅詞一卷

夢芙蓉

寒月

九秋悲素魄更關情何況冷光如滴紅香消盡殘夜少
眠客免寒鸞影隻桂宮誰問消息凍玉斜枝傍鈎闌四
角點點碎陰濕 尋徧鳳城南北一樣分明不醉那能
得酒徒倦矣清恨滿瑤瑟倚風空小立翠裘憔悴無色
算到江樓有相思人遠同此一丸白

喜遷鶯

立冬

弄寒風到便卸了秋容十分都老病葉驚黃瘦峰堆白
幾筆研箋殘稿處處井桐枝下一派碧砧催鬧曉烟裏
向翠匳呵手洗妝人早 年華應剩少依舊飄零又踏
長安草暖月烘簾熟簫催酒何處錦圍花繞那慣天街
日晚無數軟塵衝帽且歸去有竹爐松帳讀書自好

疎影

黃梅花

好花知否有點酥凝蠟朶朶如繡嬌影臨風密蔭初圓
恰似磬兒銜口籠籠半剪檀痕在渾占盡小樓前後試
比他雪蘂冰條可有翠雛清瘦 偏稱鏤金簪首與乳

鴉宮額杏子衫袖螺合盛來零落繁英細把銀絲雙紐
天寒日晚誰堪寄料難到玉鬟人手正相思細認輕黃
一點舊香春透

沈

雄字偶僧吳江人
有柳塘詞一卷

浣溪沙

梨花

壓帽花開香雪痕一林輕素隔重門拋殘歌舞種愁根
遙夜微茫凝月影渾身清淺剩梅魂溶溶院落共黃昏

又

靜掩梨花深院門養成閒恨費重昏今宵又整昨宵魂

存
理夢天涯凭角枕卸頭時候覆深樽正添香處憶溫

郁

植

字大本太倉人貢生

浣溪沙

分手匆匆古渡頭偷彈珠淚付東流去隨春水遶郎舟
夜月梨花江上館曉風楊柳驛邊樓繫人千里一絲
愁

袁揆爕

字漁山嘉興人有華烟詞一卷

眼兒媚

鶯嬌燕軟破輕紗紅日半窗斜金猊篆冷玉鈎簾靜春

夢誰家 香雲繚亂慵粧束幽恨在天涯相思最是一

聲杜宇數點楊花

王紹雍

字堯鵬
錢唐人

浣溪沙

紅蓼黃蘆覆遠汀輕舟搖曳載離情好沽邨酒博微醒
枕畔彩雲飛片片耳邊柔櫓一聲聲滿江秋霧濕漁

燈

王武功

字洛榮武康人杭
郡詩輯作仁和人

踏莎行

錢塘懷古

斷岸烟荒孤城日暮紛紛落葉隨風舞青燐白草鳳凰

山南朝舊是繁華處 誰伴登高意行弔古閒愁不逐
江流去月明寂寞管弦聲寒潮夜夜錢塘渡

曹亮武

字渭公宜興人有南畊詞
六卷荆溪歲寒詞一卷

四庫全書提要云亮武以倚聲擅名與陳維
崧爲中表兄弟當時名幾相埒其纏綿婉約
之處亦不減于維崧而才氣稍遜故縱橫跌
宕究不能與之匹敵也

摸魚兒

感舊

怕東風惹人腸斷瘦紅肥綠時節小樓昔日凝眸處縱
有花枝誰折廊步屐空記取垂楊一樹朦朧月香殘粉
滅剩壁上鸞箋奩中鳳翠幽恨怎銷歇 十年事梁燕
至今能說繁絃聽罷悽絕明妃偏向燕支嫁天把紅顏

埋沒魂恍惚難訴盡當初花底輕離別畫圖頻揭悵弱
影亭亭夢隨春去杜宇爲啼血

徐允哲

字西厓上海人有響泉詞一卷

周應垂云西厓爲春藻赤幟響泉詞尤極溫藻芊綿之致

浣溪沙

春景

一縷烟絲蘸綠波乍晴天氣正微和春來心事費騰那
花砌繡泥裝燕壘柳拋金縷織鶯梭夕陽芳草奈愁
何

清平樂

楊花

似花如雨惱亂春無緒幾度傍簾飛欲住又被東風拔

去章臺零落人遙瀾陵迷漫長橋惟有畫樓雙燕偷
閒啣上新巢

醉花陰

峭寒吹雨和風驟花落苔成繡把酒對若園枝上鶯聲
啼過清明候惜春無計當春畫梅子青如豆記得去
年時簾幙重重有個人消瘦

蔣景祁

字京少宜興人官府
同知有梧月詞二卷

朱竹垞云梧月詞體而不靡直而不俚婉曲
而不晦庶幾可嗣古人之遺響

紅情

咏橘

洞庭秋後記曉霜乍落滿山如繡一碧瀟湘極浦寒楓

暮烟覆休憎紅衣太妬又幾樹嫩黃垂手好倩那挂壁
青猿不夜鎮相守香瘦齒堪漱擬種向故園楚騷裁
就傳柑時候還翦素秋點春酒今日白雲天遠奈冷落
陸郎懷袖臘破也吟朱減錦苞漫剖

陳維岱

字魯望宜興人
有石間詞一卷

河傳

風起邨裏暝烟纔作柴門都閉清霜歷歷墮前隄星稀
月明烏夜啼小窻寂寞凝寒色秋蕭瑟燈影昏如墨
酒初醒夢難成傷情閒愁堆二更

陳維崧

字半雪
宜興人

浣溪沙

綠剪堤邊楊柳絲。紅堆門外小桃枝。一春人在謝家池。
事去已荒前日夢。情多猶憶少年時。江南紅豆最相思。

陳維岳

字緯雲宜興人
有紅鹽詞三卷

滿江紅

憶舊

脉脉濛濛是誰把繁華吹去。斜陽外。故家亭榭。亂烟凝
佇。髣髴細聞絲竹響。飄零碎落銀燈雨。記當場。一曲壯
丹亭。消魂侶。
錦障裏。春無數。綺席畔。人如許。幾番趁
偏了。差池燕羽。有恨羅裙尋畫屐。無情紈扇消金縷。問

溪邊一帶白楊花應能語

陳宗石

字子萬宜興人貢生官安平縣知縣遷戶部陝西司員外郎

漢宮春

丁巳十月四日余自毫村復返商邱將入都謁選與家兄其年話別作此

鷓首浦帆看兩岸蕭蕭千林索索半生懷抱大抵哀多
於樂墳荒纔和早又是兄南弟朔嘆萍蹤歸來何日再
到故園酬酢莫問此番行囊且狂歌起舞不妨飄泊
白屋公卿休哂謝家中落富貴浮雲且還我青山芒屨
銜杯笑紛紛項領何限眼中輕薄

錢

父

字又持桐鄉人貢生官訓導

點絳脣

鞦韆

小院層闌下臨一道薜蘿徑柳梢花頂飛燕差堪並

嬾娜春風不放游絲定金鈴靜翠遮紅映忍露全身影

楊過全

字聖期濟寧人貢生官合
肥縣教諭有竹西詞一卷

生查子

欲繡合歡襦先畫雙鴛譜口誦梵王經牕外教鸚鵡

香暖夏蘭開細屈春纖數綠蟻上盆牙側撥金釵股

李珍

字待庵高密人康熙二十年舉
人官口部主事有金箸詞二卷

少年游

一隄疎柳罨斜陽濃綠與輕黃幾點遶山半篙綠水歸

雁兩三行人家烟火出紅牆邨市晚相將野寺僧鐘

孤舟漁笛風送過橫塘

盛楓

字丹山秀水人康熙二十年舉人官安吉縣教諭有梨雨選聲二卷

浪淘沙

槐影綠氈氈午夢初殘北窓燕子自呢喃樓外晚香人
寂寂月到闌干 帳冷小雙鸞斜彈雲鬢黃鶯催起却
無端有意尋愁愁不見鏡裏眉山

綺羅香

漢宮秋

菡萏香殘蕙蘭花謝不遺秋庭間却揉碎輕絛點綴朱
闌畫閣是鏡底螺黛初消嫌額上雅黃猶薄但相逢玉
露凄清祇疑苔砌亂紅藥 堦前木葉初脫颯沓成秋

苑難禁蕭索掩映銀床蜀錦吳綃相壓驚曉夢神女行
雲悲夜月深宮羅襪又愁他染靦楓林雁聲樓外落名一
雁來紅

木蘭花慢

感舊

夕陽無限好思往事轉悽然向悄悄紅樓南池碧月空
對人圓玉簫舊聲何處拂竟床長簾夜如年小閣殘燈
耿耿秋河銀影娟娟燕歸秋社又霜前籬菊破朝烟
更剗地西風輕寒到枕誰爲裝綿文園近來消瘦嘆琴
心辜負七條絃縱向平蕪雪涕淚珠不到重泉

盛禾

字玉山秀水人貢生官天台
縣訓導有稼村填詞二卷

清平樂

遙天玉砌蘋末商飈起露滴金莖寒似水一抹涼雲如
綺小池碧藕香殘井梧飛過闌干詩句莫題紅葉在
教留恨人間

浣溪沙

似墨濃雲雨脚斜參差蟬雀掩輕紗水亭今夜覺涼些
皓月依微開玉鏡明河清淺泛銀沙小窻風細落燈
花

摸魚兒

落葉

甚蕭蕭無邊秋意不分露夜晴晝千山萬樹多憔悴何

况池塘衰柳飄墮後正籬落寒香怕對黃昏酒江翻石
走正帶雨敲牕伴蛩鳴砌涼夢幾時就憑高處却憶
登臨賦手蒼茫不奈回首封姨青女雖無賴尙有松筠
似舊悽惻久問波面樓頭寄得相思否愁邊剩有只敗
綠漫天殘紅捲地林外夕陽瘦

盛本桺

字諫山秀水人有
滴露堂小品二卷

少年游

春暮

滿園花落旋成塵烟雨正愁人榆莢錢輕柳絲金淺買
不住殘春蘭舟同上鴛鴦浦春水碧于雲紅燭呼盧
旗亭換酒莫更負芳辰

過秦樓

詠苦

雨過園林芹泥乍濕翠瑤階難掃暗鋪幽砌低映晴
牕綠遍秦樓宮道似惜亂葳殘香軟藉瓊瑜落英紅小
向朱欄缺處頽坦古壁土花繚繞 曾記取潤透雙鸞
綠侵羅襪結伴踏青鬪草芳茸蔭薄迳徑茵平暗墮玉
釵聲悄憔悴而今那堪繡陌蕪迷香輪不到縱年年剩
有清陰留得殘春多少

陳見鑑

字在田常熟人
有薊花詞一卷

轉應曲

楊柳楊柳綠遍春江渡口風前旋舞腰支管盡人間別

離離別離別飛絮漫天如雪

更漏子

出塞

塞垣風戍樓月昨夜寒威釀雪人渺渺路迢迢嘆愁何
處簫蓮葉稀棟花驛四望秋容淡迤邐過古驛渡荒灣
夕陽無限山

張

鑑

原名雲錦字錦龍仁和人有蓀露詞鈔二卷

點絳脣

別情

柳外鶯嘶零星別語情難盡亂山烟暝夕照低紅影
仗酒消愁偏到三更醒闌孤凭月明似鏡分外今宵冷
國朝詞綜卷十四

國朝詞綜卷十五

青浦王昶纂

龔翔麟 十二首

王九齡 三首

沈爾燦 一首

馮瑞 三首

俞兆曾 九首

高曜 一首

王允持 一首

沈崑 三首

汪灝 一首

黃庭 一首

梁佩蘭 一首

潘宗洛 一首

龔翔麟

字天石號蘅圃仁和人康熙二十年副榜官工部主事擢監察御史有紅藕莊詞三卷

李分虎云竹垞客通潞時蘅圃與之朝夕故爲倚聲最早無纖毫俗尙入其筆端

好事近

沂水道中

極目總悲秋。衰草似粘天末。多少無情烟樹，送年年行客。
亂山高下，沒斜陽、夜景更清絕。幾點寒鴉，風裏趁一梳涼月。

紅娘子

雜桃

千葉繁花映幾箇。疎篁靜不傍妝樓。不臨書幌只依苔。
徑似舊家姊妹，隔江來。恰雙雙相並。慣似殘霞凝未。
怯春風冷。纔踏流鶯，又飛山鷓。一枝難定。試移根，曲水
小橋邊。伴湔衣人影。

生查子

吳江遇風舟中望震澤

風急布帆偏半幅撐秋雨乍聽榜人喧已失前村樹
渺渺望湖波萬頃迷烟霧猶自有漁舟烟裏飛來去

瑣窗寒

獨醉先生同謝青過瞻園分賦用片玉詞韻

惜別西湖歸來白下畫扇雙戶桐陰剪盡過了幾番秋
雨喜鄉關故人乍逢小樓密坐停杯語試問君此際清
宵密炬可忘羈旅風暮憑欄處但一片澄烟亂星四
五寒林月影恰伴胎仙傳侶覓當年三徑舊蹤垂崖醉
石今在否待牆頭放遍南枝日涉攜樽俎

金陵瑣事載張垂崖醉石

在徐府西園中瞻園卽中山之舊墅也

粉蝶兒

趁好風兒一雙兩雙得意揀花枝夜來濃睡恣輕狂採
遍了滿園紅碎惹羅巾撲取髻邊增媚 驚溪墨浪偏
愛畫手情思引銜蟬藥苗遊戲逗春波旋繡入舞衣裳
裏伴芙蓉秋岸曉霜同醉

徐熙有藥苗戲蝶圖黃伯鸞
有戲蝶猫圖鄭谷詩繡入舞

綺羅香 芸築成同畔客賦

愛補荷衣慵含雞舌只合與鷗爲侶一硯隨身貪看江
南雲樹拓小檻蝶外飄花闌斜徑燕邊零雨笑今番移
得春來春光已到斷魂處 重墻青粉研短待種梧桐
百尺翠陰西護石儘堪鋪須向亂山根取喜連梅仙李

吟窗共攜插杜蘅香圃怕日長正好支頤軟紅催又去
好事近 倣朱希真漁父詞題胥山樵園

久雨霎兒晴報道前溪新漲急整翠竿放溜儘一絲風
颺暫拋笊簍黑甜餘短笛有時唱且醉船頭白墮早
冷丸飛上

秋霽

泛舟西湖薄暮坐湖心亭待月

買酒西泠正蕭蕭雨歇白羽風淨別浦喧禽長堤無柳
六橋空帶烟暝采菱歌靜劃波又見挈魚艇但目極南
北兩峯斜照亂鴻影湖心亭子游屐都歸留與吾曹
夜涼飲謝多情纖阿放彩鴛鴦露宿不知冷半被朗吟

驚乍醒夢梁堪憶紅蕖種滿方塘月中香遠一奩秋錦

紅窻睡

滑簾橫陳金帶枕春夢窄見日高還寢蜃窻過雨蘋颺
迅被萬荷喧醒纔傍圓冰勻媚粉因郎勸又中卯酒
瞢騰難定翠幃重展任蟬雲不整

華胥引

餘寒禁柳淡日烘花翠簾不卷半枕瞢騰香魂只戀鴛
被煖別路芳草萋萋向箇中尋慣却恨金衣一聲聲喚
人轉慵展情瀾撥紅蕖未消沉倦小姑催起真珠無
心細綰刺繡綳邊強坐也拈針線忽又迴身流蘇早見

雙掩

天淨沙

草芽徑淺春還海
棠風信猶寒
香雪飄時紅染一雙輕
燕穿花只管呢喃

臺城路

舊巢海燕歸來早
東風又吹愁住
葉滿苔枝絲攢蠟蒂
過了幾番酥雨
玉驄何許定嘶
偏花陰釧車行處人面
桃門重尋得似去年否
晴江潮信暗湧
怕招雙艇子
曾載情去院冷爭碁池荒
踏藕誰識而今心緒
酒樓孫楚奈月午相逢
曉來無據愁似游絲
一春千萬縷

王九齡

字子武，婁縣人。康熙二十一年進士，官至左都御史。有《松溪詞》一卷。

清平樂

殘春何處不伴愁人住，已是韶光容易去。一霎催花細雨，無端柳暗高樓。多情燕落簾鉤，捱過春風幾度空。憐白了人頭。

南歌子

春閨

日暮東風急，無聊獨掩扉。不堪寂寞守孤幃，又被黃鶯啼送落花飛。好景憐虛設，憑欄淚滿衣。垂楊何事綠依依，縱有長條無計繫春歸。

蝶戀花

新秋

白檻迴廊深院遶門掩垂楊斗帳愁多少欹枕夢同人
悄悄紗窗頻喚枝頭鳥 水漲一池荷葉小幾樹殘陽
斷續晴絲裊却怪安排秋色早臙脂妝點西風巧

沈爾燦

字鳳于烏程人康熙二十一年進士官公安縣知縣有月圓詞一卷

生查子

殘桂

昨夜月籠霞今日花成陣消息捲簾看漸漸宮黃褪
吟就軟金詞蹴損香塵印一種惜花心底事縈眉寸

馮

瑞

字霄燕婁縣人康熙二十四年進士官編修有棣華堂詩餘

青玉案

芙蓉露染輕紅透正寂寞黃昏後斜月小樓人在否夜

涼風緊暗蟲淒切牕隙燈光漏
尋常行處多依舊只
往事飄零倦回首況復心傷隨物候
數聲哀雁半庭殘
葉早又黃花瘦

秋蕊香

閨怨

斗帳夜深香暖翠被夢回人遠
起來庭戶風如剪明月
瑤階光滿
閑行閑坐情難遣
愁眉斂粉牆又見花陰
轉別院聲迷絲管

臨江仙

草碧芳隄春水漲東風又送輕寒
夕陽初下鳥聲喧桃
花紅一片何處武陵源
記得昔年多少事從今燈燼

更闌綠楊如畫繫雕鞍鉤簾人不見苔蘚上闌干

俞兆曾

字大文海鹽人康熙二十四年進士官元城縣知縣有鷗外吟箋四卷

綺羅香

庭雪俱消歌臺已拆脉脉倚欄初倦
驀地微暄到了東風一半護花檻好待商量
輕羅袂未曾裁剪炷沉烟十二簾疎小
鬟傳語勸休捲悵涼多少舊恨贏得檀牀
畫怯銀缸夜閃燕子何心也似天涯人遠
翠屏側錦瑟彈空長堤外錫簫吹亂更那堪
孤旅閒窗漏長春夢短

柳色黃

菲餅

玉粉剛搓銀管漸勻并剪徐折低徊無限
心情偏使乍

分還合春纖親試做到如許團圓憐他消瘦教輕貼把
小小朱籠喜鋪來勝雪 新茁嫩芽竹外短葉籬恨秋
深堪擷翠滑方濃故待遮藏周匝炎蒸過後記取酒醒
香清盈盤堆出明明月自別了燕山者番應心慙

法曲獻仙音

鸚鵡

護玉簾深敲金環冷記取藏嬌庭院細協低簧滑隨響
珮輸他燕酣鶯倦料隴水烟波闊迢迢夢中見 綺窗
畔怪頻將小名重喚更私語無多似曾聞慣側耳便惺
忪仗輕風翠竹敲亂減字偷聲也贏得紅豆徐按慢空
傳賦筆寫出淒涼新怨

聒龍謠 新篁

月底橫吹一林曾倚籬外疎英飄墮不道園林又叢生
如許自排弄萬點香綿更潤洗滿庭酥雨便應教掩映
窻間休刻畫新詩句 紅樓外粉牆高植幾枝脫殼龍
孫無數淺深疎密囑園丁頻護倚羅袖慢道天寒換蒼
紙好填新譜只梅花生小同心愛江南住

一枝春

兩槩衝波向湖陰一片斜陽明滅平橋野渡尙剩二分
殘雪餘寒撲面笑依舊水邊吟客被朔風吹老年華綵
勝又翻新結 蓬窻記同攜手對釵頭玉燕倚欄清絕

尋芳無賴屐齒印泥幾折郵亭別語山乍遠澹蛾烟隔
還再約整頓狂游試燈時節

三姝媚

河干殘暑歇是雙星纔渡小橋人別擊漿歸來但吟風
話雨按香奩月青羽無情又坐見春朝微雪官梅紅萼
好奇心情一枝剛折惆悵追游時節正紫陌燈輝鳳
城歌咽醉眼輕橫向夜寒簾隙碧融朱怯懊惱東風吹
過了三番愁絕剩有奚囊碎錦吟箋幾葉

惜秋華

誰遣西風把秋光濃淡一宵都換嫩雨送涼樓頭小簷

花滿簾衣不蘸輕陰護靜宇晚來休捲聲亂又閒階乍
添碎蛩吟怨天意攬人倦想紅欄卽角漸疎將紉扇
應是暗香拂枕冷紋生簟料量梳裹時宜好整頓鬟高
髻淺歸便熟羅衫玉纖親剪

柳色黃

傍竹銀牆映水朱扉夜午人靜冰絃可隔珠簾翠黛恰
窺鸞鏡合歡花底話到密意層層記得燕子春前信且
斜揜瓊鉤卸異香盈陣風定蘭心乍剖鶯語偏低冷
鬢賦枕喜是新涼賺得鸚哥睡穩待留無計漸到蟾影
當簷一枝秋水芙蓉浸把舊夢平量又新愁剛整

桂枝香

咏髮

雨濃膏滑聽樣子新翻深院商畧旋展圓冰結就芙蓉
青削夜窓粧卸香猶在問何須鬢添十八橫堆一枕斜
依半臂鬆粘雙頰還記得盈盈巫峽話覆額初齊玉
釵慵插顧影花爭分付一枝銀蠟紅綃裏贈空留取佩
孤芳舊懷難著何時重挹薔薇清露助伊梳掠

高

曜

字遠修婁縣人康熙二
十四年進士官編修

小重山

夜繡

月上湘簾燭影移凝粧還理繡好花枝玉肩微軀翠蛾
低交枝上小鳥正雙棲香燼夜凄迷迴文剛織就又

重題欲箋情事恐人知停針處一一寄相思

王允持

字簡在無錫人康熙二十四年進士有陶邨詞

解連環

亂帆零雨對清尊
潑灩緩歌金縷便
醉裏暫解離愁奈
燈暗酒醒兩眉還
聚寂寞芙蓉但回首
露汀烟渚聽琵琶
水面宛轉玉人枕畔私語
無端頓成間阻望關河
浩渺有恨誰訴縱解寄千里
相思怕回雁峰頭峭難飛
度天末羈魂夢不到綠窻朱戶
倩西風一時吹轉暮雲
斷處

沈

崑

字禾畊平湖人康熙二十四年進士有味菜山房詞

摸魚子

泊舟吳間

幾疎鐘竹荒霜月歆眠人在秋艇曾來楊柳灣頭繫添
了舞楓紅冷間記省拓小閣朱紗檻曲衫羅凭餘香猶
凝渺跡絕驚鴻重尋無處客夢酒全醒銷魂地絕艷
載歸千頃湖莼更逗清興蒼茫落想烟波裏可惜萍浮
不定深夜永又蕭瑟江關牽惹庾郎恨擁衾忍聽漸燈
火帷深隔窓絮語鴛侶定棲並

憶舊游

邗江旅泊

笑衣沾濕翠鬢染塵香踏碎蠻花不道飄零倦又空江
獨夜來聽琵琶暗風亂捎黃葉飛雨濺流沙慢對影生

憐故巢何處方信無家 曾誇俊游地有珠樓簾卷紅
袖欹斜逝水繁華去等修鱗難縮誰數驚蛇夢還獨眠
秋舸情緒黯如麻總盼到朝來蓬牕曉色啼亂鴉

鎖牕寒 僧廬夜雨

雨細吹絲風輕響葉夜寒如此圍香小閣消受鳳衾鴛
被恁而今禪榻夢回鬢絲微颺茶烟裏奈一繩鴈影斜
飛點點又成心字 彈指殘秋意算瘦柳藏鴉也飄空
翠多情老去況客繁華勝地問五湖恁日移家水雲挂
席應早計待歸來底事歸遲酒醒重門閉

汪

瀕

字文漪臨清人康熙二十
四年進士官至河南巡撫

太平時

立春應制

五彩春幡天上吹，曉鶯知春風昨夜到。
瑤池動梅枝，麗日催開冰雪影。
愛遲遲雲霄笙管最相宜，太平時。

黃庭

字葢山長洲人康熙二十六年舉人有采香徑詞一卷

暗香

咏橘

包山秋日記兩峰繡歷半湖晴，碧隔水人看紅樹村莊。
畫屏色便有籠寒絳袖，香霧裏嫩枝先摘正極浦估客。
船來返照花樓赤，誰識軟紅陌縱剪綵上林錦苞難。
覓騎飛霜驛卸，馱青門凍香泥卯酒渴思紺唾怕不是。
露華初滴，倩妙手還鏤做一燈夜炙。

梁佩蘭

字芝五南海人康熙二十七年進士

山花子

湘妃廟

水濶瀟湘見二妃江空露下少人知一望渚烟迷到處
暗靈旗太息雅琴成絕調並彈瑤瑟寄相思奈有九
峯遙對起至今疑

潘宗洛

字書原宜興人康熙二十七年進士官至湖南巡撫

清平樂

秋曉和海閩香詞

羅幃涼到窗外聞雞早殘月半規斜枕照有夢也應草
草分明帳繡芙蓉獨眠人起誰同試約生香衣扣又
添一夜西風

國朝詞綜卷十六

青浦王昶纂

孫致彌 九首

錢肇修 一首

狄億 六首

姜遴 一首

陶爾穰 一首

姚士陸 二首

張燠 一首

陳璋 一首

焦袁熹 九首

高式青 一首

韓獻 一首

姜宸英 一首

魏坤 八首

查嗣琛 一首

范允鍋 二首

張德純 一首

楊守知 一首

孫致彌

字愷似號松坪嘉定人康熙二十七年進士官侍讀學士有別花餘事一卷梅泚詞四卷

補琴詞

一卷

樓敬思云松坪先生別花餘事絕似東山東堂小山淮海梅泚詞則旁及於青兒而變化於樂笑其清空騷雅鬢鬢乎入宋人之室矣

浣溪沙

千頃雲邊笑語來
苔痕偷染踏青鞋
相扶紅袖下瑤階
畫扇戲粘蝴蝶粉
花闌賭記牡丹脾
祝他嬉子上金

釵

又

未解相思學避人
慵開笑口易眉顰
不知何事不宜春
稱撥香弦纖指爪
怯迴珠袖小腰身
賺他寶馬一逡巡

又

新綠陰中酒旆招
石場絃管畫樓簫
畱春無計索春饒
醉倚檀槽調淨婉
戲拋瑤爰泥櫻桃
輕魂禁得許多銷

青玉案

泛舟橫塘作用賀方回韻

十年不踏行春路
重載酒尋山去
曲曲疎林帆影度
鷗邊寒水鴈邊斜
照多少關情處
生烟一抹蘆鄉暮
紅

葉休題怨秋句青翦綠裝心久許終須買箇楸頭船子
醉聽雙橋雨

洞僊歌 調高榭客

熏爐鳧藻借南枝香遠社結鴛鴦自春暖有飛迴青雀
錦字銜將油壁駕迎取秦簫仙伴佳期頻屈指莫呪
紅輪已是寒天恁般短卻扇促題詩清粉研螺也儘
敲妝樓消遣便再向樽前遇娟娟料不暇憐他翠釵花
辨

望江南

人去也縱是夢難留半夜酒醒垂柳岸一聲長笛杏花
樓樓下水空流

虞美人

青旛半捲花枝動，蝶翅酣香重。
曲闌紅映綠波中，又是
一聲鶯囀落花風。
海棠午倦眠初足，扶起眉峰蹙。
水晶簾下儘思量，獨自倚樓和夢送斜陽。

賀新涼

賦別

驄馬嘶香陌，對離樽、牽衣難住。
悄然行客，脉脉相看無
一語，奈此飄蓬蹤蹟。
消幾箇、花朝月夕，悔煞重逢添別。
恨拚青衫消受，紅冰濕且爛，醉玉釵側。
浣花箋紙，桃花
花色譜新詞，殷勤寄語。
征途將息，夢裏不知人去也。
問取歸期端的，又只怕、鱗鴻難覓。
明日關山今夜酒，黯消

魂同凭闌干立芳樹暗暮雲碧

摸魚子 秋暮

挂蒲帆鯉魚風弱吳淞江上秋暝潮迴沙尾圓紋沒點
點蘋花如鏡相掩映倩荻雪菰雲譜出寒波靜眠鷗乍
醒漸牧笛橫烟釣船吹火月黑鴈無影 蓴鱸興一片
西風誰省年年長負清景松醪半凍頗黎色不敵晚來
烈凝天水迥待倚醉高歌小海無人應茫茫千頃怕驚
起蛟龍中宵嘯舞電拂劍花冷

錢肇修

字石臣錢唐人入籍奉天康熙三十年進士官至監察御史有槩園詩餘一卷

滿庭芳

酥雨澆花煖雲蔭草小庭春晝遲遲青桐么鳳高下逐
花飛綺閣重簾乍捲鶯聲巧催喚紅兒有人伴玉臺梳
洗學畫遠山眉徘徊重對鏡試拈珠翠耐可相宜料
熏爐初徙香染羅衣蝴蝶飛來雲鬢釵梁上顫動紅絲
閒凝望凭闌未久斜日墜樓西

狄億

字立人溧陽人康熙三
十年進士授庶吉士

南柯子

暝口嬌晴柳輕風戀落花搖颺酒帘斜孤邨流水遶有
人家

憶王孫

秋怨

秋風一夜滿天涯
幾樹丹楓葉作花
漫倚高樓對落霞
不歸家又見橫空鴈影斜

點絳脣 晚次荆溪

柳岸誰家窗前曲
曲曲清溪抱漏深
人悄逗得燈光小

擬泛輕舟咫尺山陰道
青春老杜鵑啼了
客夢隨芳草

菩薩蠻 露筋祠

平湖渺渺烟波路
傷心幾簇窮秋樹
風雨冷荒祠
鴉巢

烏桕枝 蒼茫天接水
浪捲斜陽裏
蕭颯不勝情
孤鴻

三兩聲

臨江僊 金陵懷古

城郭依然風景異六朝金粉生愁興亡不到大江流銀
濤雪浪終古自悠悠贏得秦淮多少恨興懷百尺樓
頭琵琶一曲淚難收夕陽山色裏猶帶舊時秋

又

月滿樓臺花滿路當年無限風流而今勝蹟已荒邱空
餘殘照烟澹白蘋洲惆悵長干橋下水清光縹渺長
浮南朝佳麗等閒休天生歌舞地強半使人愁

姜

遴

字萬青江南華亭人
康熙三十年進士

浣溪沙

描黛無心鎖鏡鸞雀釵斜壓鬢雲殘重門人靜意闌珊

寒
齒蒼風來金屬成芭蕉雨過玉闌干虛廊小立乍微

陶爾穉字穎儒青浦人康熙三十年進士官葭州知州有遵渚集

清平樂畫勝

望遠勝字飛白閒書地隔院燈光人語細親祝好春如
夢來喜氣當關分明巧樣連環幾日鏤金綵燕又

看扶上釵環

姚士陞字別峰桐城人康熙三十二年舉人有空明閣集二卷詞附

江南好真州舟次

風不起蕩漿鏡光圓殘月明邊垂柳岸曉風香過賣花

船自在枕書眠

又

前路遠小泊綠楊橋花港月明人影亂玉樓風細笛聲
高獨客夜無聊

張

堦

字聲百撫寧人康熙三十二年舉人有秦游近草詞一卷

菩薩蠻

青山別後還依舊看花歸去香盈袖溫夢怕人知挑鐙
不語時濃春偏釀恨風雨還成陣多事鳥雙來啣紅
落碧苔

陳

璋

字鐘庭長洲人康熙三十三年進士官至侍讀學士

太平時

一線春光迴織烏逗紅酥數行晴鳥下平蕪喜相呼
樓角風微雲靉靄望清都銀旂裁出費工夫似飛鳧

焦袁熹

字廣期金山人康熙三十五年舉人有此木軒直寄詞二卷

李健林云直寄詞高麗精巧音節間超然入勝昔人稱梅溪融情景於一家會句意於兩得作者亦然

菩薩蠻

盈盈步襪花陰裏低頭不省釵兒墜記得別伊時柳條
千萬絲天涯知甚處飛絮狂如許昨夢已朦朧一年
春又空

更漏子

漏初殘更未審半腰半寒鴛錦羅燕語乳鴉飛憶他臨別時
隔窗花臨牖柳陌上幾番回首紅洗露綠梳風
舊懽如夢中

阮郎歸

池塘綠滿燕泥融秦樓初日紅紅簾翠幌一重重玉人
春夢中芳訊斷畫屏空山長水不窮飛花落絮太匆
匆蝶魂何處逢

西江月

廢園

斜日赤闌橋影依然一水潏回小車疑載管絃來隱隱

輕雷塘外 胥絮飛花院落含風貯月池臺舞裊一半
已成灰蝴蝶春魂可在

杏花天

細風吹到眉山畔悄妝閣紅簾日晚流鶯曲裏飛英亂
一寸柔腸易斷 花驄過聽來幾遍想年少春愁未慣
欄干十二烟絲軟夢逐楊花更遠

蝶戀花

草綠閑堦花滿砌深院無人蛺蝶還飛至春事一年狂
絮起新愁往恨東風裏 闌草蹋青無好計醉纈瞢騰
盡日簾垂地燕子歸來雙語細如何管得人纈纈

又

日轉窗紗花影弄鏡裏雙蛾一晌閒愁湧金鴨濃香誰
與共小屏深處鸞衾擁紫燕啣泥棲畫棟零落春魂
是處花成冢絮亂絲繁春睡重東風吹斷天涯夢

梅子黃時雨

本意和山中白雲詞韻

眼底心酸見青子翠陰簾幙深隱早醞釀吳天夢雲無
影一枕紗窗頻睡覺乍寒乍暖愁成病天涯景懔懔遠
山何處孤艇牽引年時情興便檐花細酌醒後驚曉
況莫莫朝朝淚添千頃閑煞箏絃衣袖斂怪他金鴨屏
幃近南風緊乳燕一雙歸暝

曲游春

闌干

小院東風軟甚曲廊圍著春思千斛盡日懽騰搭絲絲
烟縷困眠難足誰把愁城築恁低亞恰當胸菽倚醉拖
翠袖溫存一晌自憐幽獨滿目看朱成綠更雙鯉穿
來飛去還速紅甲畱痕記凭肩前度暗縈衷曲裊底細
鈞蹴怎禁得楚腰如束教放十二筠簾夢雲又逐

高式青

字則原仁和人康熙三十五年舉人官永寧縣知縣

小重山

送張砥中北上

雲樹蒼茫日欲昏不須斟別酒已消魂大江滾滾浪如
銀扁舟去一葉渺無痕何事便輕分西湖秋色好桂

花新題詩應念舊同羣京華路十丈馬頭塵

韓

獻

字希一烏程人康熙三十五年副榜

朝中措

寄懷吳赤一

長安三月解征衫花落夢魂慙記得黃鸝聲裏同攜斗
酒雙柑 知君誰共市中擊筑座上雄談滿地悲笳塞
北連天芳草江南

姜宸英

字西溟慈溪人康熙三十六年進士官編修

蝶戀花

浪逐韶光朝復暮手把金卮暗識歌聲誤十二朱闌紅
一樹夢魂又向花間去 堪嘆浮生萍梗聚迴首斜陽

又隔西陵渡那有臨邛芳草路三春只是和愁度

魏

坤

字禹平嘉善人康熙三十八年舉人有水村琴趣四卷

朱竹垞云魏孝廉水村琴趣力追南渡作者

十六字令

眠一枕花香篆影圓微風入吹夢到鶯邊

南鄉子

臨河送別

髻影西風吹上蒲帆六幅中烟外沙村雲外樹今夜雨水驛燈昏聽鴈語

城頭月

咏燕同徐虞木賦

凌風玉剪穿簾去花底雙雙住細雨催歸輕烟織影低

向紅窗語 年時漂泊愁如許
瀚海成羈旅 悔別雕梁
難尋舊壘 不記樓中路

惜秋華

餞菊同左羽融谷文起賦

獨殿秋容 趁鴻天燒燭 伴人羈旅
冷艷逗香 亭亭小窗
延佇故園 記摘霜葩 倩素手同簪
斜覷心許 凭紅欄夜
深 鬢邊細語 客裏甚情緒 似相依
勝友 歲寒偏去一
翦 西風早引別愁 千縷者番蕭瑟
應憐向籬根頻澆芳
醕 凝注對殘陽落英低訴

喜遷鶯

送鄒憲章佐湯溪

芳春纔去 又紅亭送客 亂飛紅雨
麥浪堆雲 柳綿捲雪

漸近江南驛路一點鄉心天末遙寄片帆烟樹經鶴渚
湖鴛湖爲我暫停柔櫓延佇想故里梅子黃時吹上
西興渡穀水操藍雲溪罨畫中有竹雞啼暮恰好平分
風月地靜不喧聲鼓攜蠟屐訪僊華勝卻哦松得句

解連環

用畱別韻再送子韶

王驄嘶遍最難忘扇底那時人面早冷卻翠被香篝又
鞭影霜痕短衣長劍行到江城趲落日青帆幾片問銷
凝甚處葦花楓葉酒旗村店吟筇凍雲漫染儘梅邊
點雪鬢邊吹散料此去臥穩柴桑把故里新筇一編閒
展燭剪窗紗哦不盡聽風聽鴈只愁子信杳刀環歲華

屢宴

摸魚子 餞梅

隔窗紗幾聲羌管愁心暗碎瓊圃夜殘夢斷羅浮月紙
帳峭寒人妬縈別緒是歲晚相依曉趁輕風去銷凝甚
處待硯滌紅絲毫飛青鏤東閣砌愁句 家林近雪後
還添半樹亭亭素手延佇從今寂寞烟村裏瘦影橫斜
幾許催燕語尋一片春泥綠茵埋香路萍根且住盼密
葉墻陰青丸如豆枝上喚鳩雨

又 清明用前韻

禁烟時賣餠天氣惜春人在花圃曉窗纔放些晴意又

恐惹東風妬愁觸緒盼寂寂空梁舊燕新來去桃門何處記挑菜歸時踏青散後零落斷魂句凭闌倦眼底鄉園幾樹夕陽一片凝竚春山只隔蘼蕪影渺渺江流如許渾不語望不見春堤絲柳香車路小樓獨住儘數遍昏鴉薄寒料峭臥聽杏花雨

查嗣璫

字德尹海寧人康熙三十九年進士官侍講有查浦詞一卷

金縷曲

寄李分虎金陵

敗柳西風老記年時折殘恁處舊游草草十二橋邊回首處十四樓前月小說別後酒狂絕倒紅袖烏絲雙鳳管儘挑燈自唱新詞好傳寫去寄同調斜陽籬落蟲

初報又新涼。牀空簟滑。一番秋到。夢去秦淮。烟水濶也。
擬他時。一棹怕塵土。相逢難料。準理蠶鄉。漁浦約算棋。
燈藥火資還少。還相約。杜門早。

范允鏞

字用賓。錢唐人。康熙三十九年進士。官監察御史。有嘯堂詩餘一卷。

醉春風

月夜

永夜永輪起。望斷人千里。碧紗弄影。隔窗明睡。睡睡帳
扣流蘇香。埋噯。吹欹枕。愁無寐。偏似憐憔悴。蠟炬先
成淚。銜盃自勸。臉生春醉。醉醉琥珀浮紅。蒲萄釀綠。都
是愁滋味。

蘇幕遮

春思

粉墻陰蝴蝶路楊柳樓心故作天斜舞綠淺紅深春幾
許一半將歸一半還畱住 杏花灣桃葉渡芳草連天
沒箇遮闌處悵望王孫從此去舊時燕子歸來語

張德純

字能一青浦人康熙三十
九年進士官常山縣知縣

望湘人

午日立夏

是僊蒲嚙酒香艾熏衣間庭槐影剛滿日最長時人偏
倦後刺繡工夫初短子縱金罍花開鳳嘴競催深暖望
南湘烟水冥迷盡日畫簾高卷 可柰情腸易斷較盈
盈竹上淚痕深淺便續命絲長難續花陰一綫鬢雲微
禪裊波乍緩愁聽雙飛乳燕問如今何處招魂應比湘

江還遠

楊守知

字次也海寧人康熙三十九年進士官平涼府知府有意圖詞一卷

減字木蘭花

題壁和越溪女子宛雲

素芳誰識不似渡頭根與葉飄泊偏憐飛了楊花又一
年聽殘夜雨十斛離愁方寸貯只隔花關一片痴雲
萬壘山

國朝詞綜卷十六